

# Leec Unv Tiic Moh Taip

## 提摩太前书

### Haemk Lail

**1** Yaoc JANGS Baox Loc, baengh sungp Wangc Menl Xus Juv daol daengh mungx Jih Duc Yeeh Suh daol dos sais jah, douh LAIH weex lagx paik dos Yeeh Suh Jih Duc. <sup>2</sup>Yaoc xap senk dos Tiic Moh Taip mungx yenv yuih senk Xus weex lagx XINGV dos yaoc jah.

Dogc liangp singc qaenp、yagc sac、taik biingc, dah oc Bux Wangc Menl daengh Xus Jih Duc Yeeh Suh daol jah wunx dos nyac.

### Keep Banc Lix Dingv

<sup>3</sup>Yaoc laos Max Qik Dunl bail xic jah, qeenk nyac meenh nyaoh Yix Fuc Sox nyaoh dah, lail YADC mieengc mungx nyenc jav bix yuv xonc jaol yeep, <sup>4</sup>buh bix yuv qingc sungp dungl MEEC LIS dens biingv daengh dens ongs bux MEEC LIS bagl dingv jah; daengs siih naih xah laot beeuv sungp bogs, buh MEEC xeenk ugs Wangc Menl nyaoh wul senk sais jiml meny meix xangk jah. <sup>5</sup>Sungp paik wah map laengx JANGS meix liangp; meix liangp naih JANGS dah longc wop yebt、liangc semp lail daengh senk sais MEEC DINGV beeuv ugs map. <sup>6</sup>Lis nyenc piinp lic meny naih,

### 问候

**1** 奉我们救主神和我们的盼望基督耶稣之命，作基督耶稣使徒的保罗，<sup>2</sup>写信给那因信主作我真儿子的提摩太。

愿恩惠、怜悯、平安，从父神和我们主基督耶稣归与你。

### 防备假道

<sup>3</sup>我往马其顿去的时候，曾劝你仍住在以弗所，好嘱咐那几个人不可传异教，<sup>4</sup>也不可听从荒渺无凭的话语和无穷的家谱；这等事只生辩论，并不帮助实现神的计划（“计划”原文也可作“培训”），这计划是凭着信心才能实现的。<sup>5</sup>但命令的总归就是爱；这爱是从清洁的心和无亏的良心、无伪的信心生出来的。<sup>6</sup>有人

daov bail wah sungp ongk, <sup>7</sup>xangk yuv weex xeenp saenp eeus banc konx, siip mieeh MEEC wox menv sungp ags wah jah、menv sungp ags jingh jah.

<sup>8</sup>Daol wox banc konx bens JANGS menv lail, laot yuv nyenc yongh lis douh xebp; <sup>9</sup>yenv yuih banc konx MEEC JANGS nyimp nyenc douh liix daengv, bens JANGS nyimp menv MEEC deic banc daengh menv MEEC mas sais jah, MEEC juiv yuih Wangc Menl daengh menv WEENP soix jah, MEEC bings singh daengh menv xogp yangh xonh dees dih jah, menv sat bux neix daengh menv sat nyenc jah, <sup>10</sup>menv weex lanh daengh menv lagx hank nyimp lagx hank lonh weex jah, menv beel lagx eit、menv wah sungp DINGV daengh menv liih DINGV jah, MEEC XIH JANGS menv siih MIH saengl banc lix XINGV jah. <sup>11</sup>Menv naih JANGS XAOL sungp lail mungl guanl Wangc Menl douh bus nyaengx dos yaoc jah wah jah.

### Keep Singc Wangc Menl Yagc Sac

<sup>12</sup>Yaoc keep singc mungx saip soh legc dos yaoc jah, Xus Jih Duc Yeeh Suh daol, yenv yuih maoh baov yaoc LIS dens sais, paik yaoc bonc buih maoh. <sup>13</sup>Yaoc xic unv JANGS mungx wah sungp xagx Wangc Menl jah, biigs nyenc jah, naengc meec qit nyenc jah; yaoc douh yagc sac, yenv yuih yaoc JANGS MEEC senk、MEEC wox xic jah hah il naih weex. <sup>14</sup>Singc Xus daol JANGS nal ags yangh, aol yaoc nyaoh aox Jih Duc Yeeh Suh LIS senk sais daengh LIS sais liangp. <sup>15</sup>“Jih Duc Yeeh Suh map touk menl guangl, yuv juv nyenc LIS soix.” Sungp naih JANGS senk lis dah, JANGS aol nyenc mas sais ags yangh. Nyaoh aox menv

偏离这些，反去讲虚浮的话，<sup>7</sup>想要作教法师，却不明白自己所讲说的、所论定的。

<sup>8</sup>我们知道律法原是好的，只要人用得合宜；<sup>9</sup>因为律法不是为义人设立的，乃是为不法和不服的，不虔诚和犯罪的，不圣洁和恋世俗的，弑父母和杀人的，<sup>10</sup>行淫和亲男色的，抢人口和说谎话的，并起假誓的，或是为别样敌正道的事设立的。<sup>11</sup>这是照着可称颂之神交托我荣耀福音说的。

### 感谢神的怜悯

<sup>12</sup>我感谢那给我力量的我们主基督耶稣，因他以我有忠心，派我服侍他。<sup>13</sup>我从前是亵渎神的，逼迫人的，侮慢人的；然而我还蒙了怜悯，因我是不信、不明白的时候而做的。<sup>14</sup>并且我主的恩是格外丰盛，使我在基督耶稣里有信心和爱心。<sup>15</sup>“基督耶稣降世，为要拯救罪人。”这话是可信的，是十分可佩服的。在罪人中我是个罪魁，<sup>16</sup>然而我

nyenc LIS soix jah yaoc JANGS mungx gaos guanl,  
<sup>16</sup>yaoc jav xih douh yagc sac yangx, JANGS yenv  
 yuih Yeeh Suh Jih Duc yuv nyaoh wul xenp gaos  
 guanl nyenc soix yaoc naih xeenk ugs daengc  
 menv sais yaens maoh, nyimp menv nyenc dah  
 lenc senk maoh lis jiuc soh bens nyaoh jah weex  
 yangh lail. <sup>17</sup>Dogc liangp qaenp juiv、guanl wap  
 wunx dos laot mungx bens MEEC muil pak、  
 nyenc bens MEEC lis nuv、weenh saemh weex  
 xus、weex Wangc Menl jah, aol weex touk  
 jaengl jaengl yais yais. Ah Menx.

<sup>18</sup>Lagx yaoc Tiic Moh Taip ax, yaoc XAOL  
 menv sungp donv xic unv xiv dos nyac jah, deic  
 sungp paik naih nyaengx dos nyac, aol nyac  
 yenv yuih menv naih heeup lis jangv lail, <sup>19</sup>bens  
 LIS senk sais daengh liangc semp MEEC kuip. LIS  
 nyenc baenv liangc semp jah, laengx nyaoh wul  
 banc lix XINGV xongs lol douh lav yangx laot  
 yangh. <sup>20</sup>Aox jah LIS Xic Mliix Naix daengh Yal Liic  
Sanh Dal, yaoc deic JAH MAOH jaoh dos Sah Danl,  
 aol JAH MAOH nyedc longc, laengx MEEC eengv  
 daenl sungp xagx yangx.

### Wah Yogc Yuih Wangc Menl

**2** Yaoc qeenk nyac, jih edl yuv nyimp weenh  
 nyenc dens sais qouc Xus、yogc yuih、juv  
 nyenc qouc Xus、hogc Xus; <sup>2</sup>nyimp wangc jiv  
 daengh daengc menv weex mungx jah, buh yuv  
 il naih, lail aol daol dah nyanl maenl taik biingc  
 ongp siih, juiv yuih Wangc Menl、LIS sais xeml  
 xingv. <sup>3</sup>Menv naih JANGS menv lail jah, nyaoh dav  
 nas Wangc Menl Xus Juv daol lis xogp sibs.  
<sup>4</sup>Maoh dogc liangp nyenc dees mas menl lis juv,  
 mieeh wox banc lix XINGV. <sup>5</sup>Yenv yuih gobs LIS il

蒙了怜悯，是因耶稣基督  
 要在我这罪魁身上显明他  
 一切的忍耐，给后来信他  
 得永生的人作榜样。<sup>17</sup>但愿  
 尊贵、荣耀归与那不能朽  
 坏、不能看见、永世的君  
 王、独一的神，直到永永远  
 远。阿们。

<sup>18</sup>我儿提摩太啊，我照  
 从前指着你的预言，将这  
 命令交托你，叫你因此可  
 以打那美好的仗，<sup>19</sup>常存信  
 心和无亏的良心。有人丢  
 弃良心，就在真道上如同  
 船破坏了一般。<sup>20</sup>其中有许  
 米乃和亚历山大，我已经  
 把他们交给撒但，使他们  
 受责罚，就不再谤讟了。

### 关于祷告的教导

**2** 我劝你，第一要为万  
 人恳求、祷告、代求、  
 祝谢；<sup>2</sup>为君王和一切在位  
 的，也该如此，使我们可以  
 敬虔、端正、平安无事地度  
 日。<sup>3</sup>这是好的，在神我们  
 救主面前可蒙悦纳。<sup>4</sup>他愿  
 意万人得救，明白真道。  
<sup>5</sup>因为只有一位神，在神和  
 人中间，只有一位中保，就

mungx Wangc Menl, nyaoh dens dav Wangc Menl daengh nyenc menc, gobs us il mungx nyenc dav, suh JANGS Jih Duc Yeeh Suh map touk dees dih wenp nyenc dees mas menl jah; <sup>6</sup>maoh baenv mingh weex av xogc dos nyenc dees mas menl; touk xic, siih naih jingh yuv weex bagl biingv ugs map. <sup>7</sup>Yaoc yenv yuih siih naih douh paik, weex mungx xonc banc lix、weex lagx paik、weex xeenp saenp dos nyenc mangv nugs, eeus JAH MAOH senk, xoc banc lix XINGV, menv yaoc wah JANGS sungp XINGV, MEEC JANGS sungp DINGV.

<sup>8</sup>Yaoc dogc liangp nyenc banl MEEC ouv qik, MEEC DAENGL daenl, jiml miac bings singh gungc doiv yogc yuih. <sup>9</sup>Eengv dogc liangp nyenc miegs yuv nas、ags xut, deic ugs douh xebp suit xenp, bix deic sanp biaeml ags xongs、jeml、xul daengh ugs xenp juiv map suit xenp; <sup>10</sup>laot yuv weex siih lail, jav xih lail nyimp nyenc miegs juiv yuih Wangc Menl DAENGL daengh. <sup>11</sup>Nyenc miegs yuv longc biingc bail xoc banc lix Wangc Menl, laot yuv qingc sungp. <sup>12</sup>Yaoc MEEC saip nyenc miegs xonc banc lix, buh MEEC saip maoh guans nyenc banl, gobs yuv gemv giul. <sup>13</sup>Yenv yuih Wangc Menl saoh Yal Dangh dah unv, saoh Xap Wac dah lenc; <sup>14</sup>eengv MEEC JANGS Yal Dangh douh loux dingv, bens JANGS nyenc miegs douh loux DINGV, dogl laos aox soix. <sup>15</sup>Nuv baov nyenc miegs bens lis senk sais、sais liangp, yuh bings singh ags xut, laengx jingh yenv yuih baengh sangx lagx lis juv.

是成为人的基督耶稣；<sup>6</sup>他舍了自己做万人的赎价，到了时候，这事证明出来了。<sup>7</sup>我为此奉派，作传道的、作使徒、作外邦人的师傅，教导他们相信，学习真道，我说的是真话，并不是谎言。

<sup>8</sup>我愿男人无忿怒，无争论（“争论”或作“疑惑”），举起圣洁的手，随处祷告。<sup>9</sup>又愿女人廉耻、自守，以正派衣裳为妆饰，不以编发、黄金、珍珠和贵价的衣裳为妆饰；<sup>10</sup>只要有善行，这才与自称是敬神的女人相宜。<sup>11</sup>女人要沉静学道，一味地顺服。<sup>12</sup>我不许女人讲道，也不许她辖管男人，只要沉静。<sup>13</sup>因为先造的是亚当，后造的是夏娃；<sup>14</sup>且不是亚当被引诱，乃是女人被引诱，陷在罪里。<sup>15</sup>然而，女人若常存信心、爱心，又圣洁自守，就必在生产上得救。

### Benh Ongl Sangh Dos Siih

**3** “Nyenc nuv baov xangk yuv lis benh ongl sangh dos siih, laengx JANGS sais xangk ongl lail.” Sungp naih JANGS senk lis dah. <sup>2</sup>Menv weex sangh dos siih jah, jingh yuv MEEC LIS duc mangc douh guaiv, xah laot weex saox dos il mungx nyenc miegs, yaens lis、ags xut、xeml xingv、xeengp sais sibs daiv nyenc egt yais, wox eeus nyenc, <sup>3</sup>MEEC jaengv kuaot nyamx xeih, MEEC heeup nyenc; laot yuv sais mas longc kuantg、MEEC DAENGL ngeeux、MEEC taemp nyaenc sinc; <sup>4</sup>lail lail guans yanc XENP BENS, aol duc lagx MEEC heenk siih mangc kebp xebp、qingk sungp. <sup>5</sup>Nuv baov nyenc MEEC wox guans yanc XENP BENS, weex nup guans lis wagx juml Wangc Menl leel? <sup>6</sup>Menv gobs laos wagx juml jah, weex MEEC lis sangh dos siih, xah yaot maoh mags gaos mags kap, laengx dogl laos aox juis top douh wedt nyaenx jah. <sup>7</sup>Sangh dos siih buh jingh yuv nyaoh mangv nugs wagx juml LIS guanl lail, xah yaot douh nyenc xagx, dogl laos aox yeep juis top.

### Benh Ongl Sangh Beenh Siih

<sup>8</sup>Menv weex sangh beenh siih jah, buh JANGS il naih; jingh yuv kebp xebp, bix wah sungp piat liins, bix taemp jil kuaot, bix taemp nyaenc sinc MEEC saengc; <sup>9</sup>yuv lis liangc semp wop yebt, xut jaens wap yaeml banc lix XINGV. <sup>10</sup>Daengs nyenc naih buh yuv douh XIV dah unv, nuv baov MEEC LIS duc mangc xap xiut, dah lenc aol JAH MAOH weex sangh beenh siih. <sup>11</sup>Sangh beenh siih miegs (MEEC XIH yongh “nyenc miegs”) buh

### 监督的资格

**3** “人若想要得监督的职分，就是羡慕善工。”这话是可信的。<sup>2</sup>作监督的，必须无可指责，只作一个妇人的丈夫，有节制、自守、端正、乐意接待远人，善于教导。<sup>3</sup>不因酒滋事，不打人；只要温和、不争竞、不贪财；<sup>4</sup>好好管理自己的家，使儿女凡事端庄、顺服。<sup>5</sup>人若不知道管理自己的家，焉能照管神的教会呢？<sup>6</sup>初入教的，不可作监督，恐怕他自高自大，就落在魔鬼所受的刑罚里。<sup>7</sup>监督也必须在教外有好名声，恐怕被人毁谤，落在魔鬼的网罗里。

### 执事的资格

<sup>8</sup>作执事的，也是如此；必须端庄，不一口两舌，不好喝酒，不贪不义之财；<sup>9</sup>要存清洁的良心，固守真道的奥秘。<sup>10</sup>这等人也要先受试验，若没有可责之处，然后叫他们作执事。<sup>11</sup>女执事（原文作“女人”）也是如此；必须端庄，不说谗言，有节

JANGS il naih; jingh yuv kebp xebp, MEEC wah sungp xagx, wox yaens, MEEC heenk siih mangc ledp dens sais. <sup>12</sup>Sangh beenh siih xah laot weex saox dos il mungx nyenc miegs, guans lail duc lagx daengh aox yanc bens. <sup>13</sup>Yenv yuih menv wox weex sangh beenh siih jah, bens laengx lis kaenk lail, eengv nyaoh wul banc lix XINGV Jih Duc Yeeh Suh jah naengl lis bov laox.

### Wap Yaeml Bings Singh

<sup>14</sup>Yaoc dos sais hoik jeengx touk aox nyac jah bail, il naih deic menv siih naih xap dos nyac dah unv. <sup>15</sup>Nuv baov yaoc ngaic jaengl, nyac buh wox nyaoh aox yanc Wangc Menl yuv il nup weex; yanc naih laengx JANGS wagx juml Wangc Menl jiuc soh bens nyaoh, jinl dungh daengh dens sangp liix XINGV. <sup>16</sup>Mags gungc! Wap yaeml juiv yuih Wangc Menl, nyaengc senk lis dah: Laengx JANGS Wangc Menl nyaoh wul xenp nanx jah xeenk ugs map,

douh Guaenl Menl sint weex douh liix  
(MEEC XIH weex "nyaoh aox guaenl sint weex douh liix"),  
douh nyenc menl lis nuv,  
xonc nyaoh aox nyenc mangv nugs,  
douh nyenc dees mas menl senk,  
douh sibs nyaoh aox guanl wap.

### Sungp Donv Mus Lenc Lis Nyenc Baenv Banc Lix Wangc Menl

**4** Guaenl Menl wah tingp tut, nyaoh mus lenc xic jah, jingh lis nyenc baenv wangc banc lix XINGV, bail qingc menv sungp guaenl juis loux nyenc jah daengh sungp eeus juis yax jah. <sup>2</sup>Menv naih JANGS yenv yuih nyenc wah

制，凡事忠心。<sup>12</sup>执事只要作一个妇人的丈夫，好好管理儿女和自己的家。<sup>13</sup>因为善作执事的，自己就得到美好的地步，并且在基督耶稣里的真道上大有胆量。

### 敬虔的奥秘

<sup>14</sup>我指望快到你那里去，所以先将这些事写给你。<sup>15</sup>倘若我耽延日久，你也可以知道在神的家中当怎样行；这家就是永生神的教会，真理的柱石和根基。<sup>16</sup>大哉！敬虔的奥秘，无人不以为然：就是神在肉身显现，

被圣灵称义  
(或作“在灵性称义”)，  
被天使看见，  
被传于外邦，  
被世人信服，  
被接在荣耀里。

### 预言有人离弃真道

**4** 圣灵明说，在后来的时候，必有人离弃真道，听从那引诱人的邪灵和鬼魔的道理。<sup>2</sup>这是因为说谎之人的假冒；这等人

DINGV jah dav beenv; liangc semp daengs nyenc naih xongs douh kuedp udt loup gueenv yangx laot yangh. <sup>3</sup>JAH MAOH MEEC saip aol maix bail saox, eengv aol nyenc jih EBL JIL, EBL JIL laengx JANGS menv Wangc Menl saoh、aol mungx nyenc senk eengv mieeh wox banc lix XINGV jah liingx sibs keep singc. <sup>4</sup>Daengc menv weenh xonh Wangc Menl saoh jah ledp JANGS menv lail, nuv baov liingx sibs keep singc, laengx MEECLIS il hangc douh baenv; <sup>5</sup>ledp baengh sungp Wangc Menl daengh menv yogc yuih jah, wenp menv bings singh yangx.

### Sangh Beenh Siih Lail Jih Duc Yeeh Suh Jah

<sup>6</sup>Nuv baov nyac deic menv siih naih XIV liop douc jaix nongx, laengx JANGS mungx sangh beenh siih lail Jih Duc Yeeh Suh, nyaoh wul sungp dungl banc lix XINGV daengh sungp lail nyac bens senk jah lis eeus. <sup>7</sup>Xah laot yuv baenv wangk menv sungp dungl nyenc dees dih daengh nyonc nyux ongp dens ongp peep nyenc miegs laox jah, nyaoh wul siih juiv yuih Wangc Menl jah xogc gueenv XENP BENS. <sup>8</sup>“Xogc gueenv xenp xangh, benh lail naengl yuns; xah laot juiv yuih Wangc Menl, MEEC heenk siih mangc ledp LIS benh lail, yenv yuih LIS menv liingx saip saemh naih daengh saemh lenc jah.” <sup>9</sup>Sungp naih senk lis dah, buh nyaengc liingx sibs lis. <sup>10</sup>Daol deil hut songk legc, xah JANGS wil il naih, daol dos sais Wangc Menl bens nyaoh jah; maoh JANGS Xus Juv weenh nyenc, eengv JANGS Xus Juv lagx senk.

<sup>11</sup>Menv siih naih, nyac yuv YADC nyenc, buh yuv eeus nyenc. <sup>12</sup>Bix yuv aol nyenc naengc

的良心如同被热铁烙惯了一般。<sup>3</sup>他们禁止嫁娶，又禁戒食物，就是神所造、叫那信而明白真道的人感谢着领受的。<sup>4</sup>凡神所造的物都是好的，若感谢着领受，就没有一样可弃的；<sup>5</sup>都因神的道和人的祈求，成为圣洁了。

### 基督耶稣的好执事

<sup>6</sup>你若将这些事提醒弟兄们，便是基督耶稣的好执事，在真道的话语和你向来所服从的善道上得了教育。<sup>7</sup>只是要弃绝那世俗的言语和老妇荒渺的话，在敬虔上操练自己。<sup>8</sup>操练身体，益处还少；惟独敬虔，凡事都有益处，因有今生和来生的应许。<sup>9</sup>这话是可信的，是十分可佩服的。<sup>10</sup>我们劳苦努力，正是为此，因我们的指望在乎永生的神；他是万人的救主，更是信徒的救主。

<sup>11</sup>这些事，你要吩咐人，也要教导人。<sup>12</sup>不可叫

MEEC qit nyac nyinc taemk, bens yuv nyaoh wul sungp dungl, yangh neip, sais liangp, senk sais, sais longc bings singh menv siih naih, ledp weex yangh lail dos lagx senk. <sup>13</sup>Nyac yuv deic menv dogc Leec Menl, qeenk nyenc, eeus banc lix songk aox longc, aol weex gas touk yaoc map. <sup>14</sup>Nyac bix naengc MEEC qit singc qaenp lis map jah, laengx JANGS xic unv baengh sungp donv mus lenc, nyaoh douc yangp laox nyaenx miac xic jah saip dos nyac jah. <sup>15</sup>Menv siih naih nyac yuv yagp bail weex, eengv yuv nyaoh naih yongh sais, aol wagx jenl nuv ugs nyac qak pangp map yangx. <sup>16</sup>Nyac yuv xingl ngic XENP BENS daengh sungp eeus XENP BENS, yuv nyaoh wul menv siih naih nyaeml jaens; yenv yuih il naih weex, yuh juv lis XENP BENS, eengv juv lis menv nyenc qingc nyac jah.

### Deic Dabs Eep

**5** Bix yuv piidt guaiv nyenc laox, laot yuv qeenk maoh xongs bux; qeenk lagx liix xongs jaix nongx; <sup>2</sup>qeenk nyenc laox miegs xongs neix; qeenk nyenc miegs liix xongs jaix nongx miegs; bens yuv wop wop yebt yebt. <sup>3</sup>Yuv juiv yuih menv nyaengc JANGS neix liingh jah. <sup>4</sup>Nuv baov neix liingh LIS duc lagx, MEEC XIH LIS lagx kuanp, laengx aol JAH MAOH nyaoh yanc ags xoc juiv yuih nyenc laox dah unv, beis singc bux neix; yenv yuih menv naih nyaoh dav nas Wangc Menl JANGS menv douh xogp jah. <sup>5</sup>Menv laot mungx ags nyaoh, nyaengc JANGS neix liingh jah, JANGS yuv baengh Wangc Menl, maenl janl bens yogc yuih qouc MEEC sav. <sup>6</sup>Menv neix liingh xogp jil lail nyaoh lail jah, xic naengl nyaoh, buh

人小看你年轻，总要在言语、行为、爱心、信心、清洁上，都做信徒的榜样。

<sup>13</sup>你要以宣读、劝勉、教导为念，直等到我来。<sup>14</sup>你不要轻忽所得的恩赐，就是从前借着预言，在众长老接手的时候赐给你的。<sup>15</sup>这些事你要殷勤去做，并要在此专心，使众人看出你的长进来。<sup>16</sup>你要谨慎自己和自己的教训，要在这些事上恒心；因为这样行，又能救自己，又能救听你的人。

### 对别人的责任

**5** 不可严责老年人，只要劝他如同父亲；劝少年人如同弟兄；<sup>2</sup>劝老年妇女如同母亲；劝少年妇女如同姐妹；总要清清楚楚的。<sup>3</sup>要尊敬那真为寡妇的。<sup>4</sup>若寡妇有儿女，或有孙子、孙女，便叫他们先在自己家中学着行孝，报答亲恩；因为这在神面前是可悦纳的。<sup>5</sup>那独居无靠、真为寡妇的，是仰赖神，昼夜不住地祈求祷告。<sup>6</sup>但那好宴乐的寡妇，正活着的时候，也是死的。<sup>7</sup>这些事

JANGS menv deil. <sup>7</sup>Menv siih naih nyac yuv YADC JAH MAOH, aol JAH MAOH MEEC LIS duc mangc douh guaiv. <sup>8</sup>Nuv baov nyenc MEEC bonc buih nyenc bens, laengx JANGS piat banc lix XINGV, biix menv nyenc MEEC senk jah naengl MEEC lail, MEEC bonc buih nyenc aox yanc, naengl JANGS il naih. <sup>9</sup>Guanl neix liingh xap nyaoh wul leec, nyinc jix bens yuv touk liogc xebe, bens laot weex maix dos il saox, <sup>10</sup>eengv LIS guanl lail weex sais lail, laengx xongs sangx duc lagx, sibs daiv nyenc gail, xugs dinl lagx bings singh, juv nyenc lis egs nanh jah, songk legc weex OIL hangc siih lail. <sup>11</sup>Wah touk menv neix liingh liix jah, laengx toip JAH MAOH douv, yenv yuih JAH MAOH sais xeengp wedt neip, MEEC XAOL Jih Duc xic jah, laengx xangk yuv eev nyenc. <sup>12</sup>JAH MAOH douh jingh soix, JANGS yenv yuih JAH MAOH deic menv sungp liih dens qit jah baenv bail yangx; <sup>13</sup>JAH MAOH eengv kuedp soic gueenv yangx, qamt yanc naih yanc jav weex bians; MEEC laot JANGS kuedp soic, eengv wah yais wah tent xogp guans siih ongk, wah menv sungp MEEC douh wah jah. <sup>14</sup>Il naih yaoc dogc liangp neix liingh liix jah eev nyenc, sangx banl sangx miegs, guans yanc, bix saip mungx saengl xaop jah guav xaop; <sup>15</sup>yenv yuih LIS menv xonv bail nyimp lenc Sah Danl yangx. <sup>16</sup>Menv nyenc miegs senk Xus jah, nuv baov aox yanc LIS neix liingh, bens laengx yuv juv JAH MAOH, bix yuv wagx juml souc longc, lail aol wagx juml bail bangl menv neix liingh nyaengc MEEC LIS doiv baengh jah.

<sup>17</sup>Menv yangp laox guans lail wagx juml jah, yuv douh qaenp juiv yac benh; menv nyenc xonc banc lix deil hut jah, menv eeus nyenc jah

你要嘱咐她们，叫她们无可指责。<sup>8</sup>人若不看顾亲属，就是背了真道，比不信的人还不好，不看顾自己家里的人，更是如此。<sup>9</sup>寡妇记在册子上，必须年纪到六十岁，从来只作一个丈夫的妻子，<sup>10</sup>又有行善的名声，就如养育儿女，接待远人，洗圣徒的脚，救济遭难的人，竭力行各样善事。<sup>11</sup>至于年轻的寡妇，就可以辞她，因为她们的的情欲发动，违背基督的时候，就想要嫁人。<sup>12</sup>她们被定罪，是因废弃了当初所许的愿；<sup>13</sup>并且她们又习惯懒惰，挨家闲游；不但是懒惰，又说长道短，好管闲事，说些不当说的话。<sup>14</sup>所以我愿意年轻的寡妇嫁人，生养儿女，治理家务，不给敌人辱骂的把柄；<sup>15</sup>因为已经有转去随从撒但的。<sup>16</sup>信主的妇女，若家中有寡妇，自己就当救济她们，不可累着教会，好使教会能救济那真无倚靠的寡妇。

<sup>17</sup>那善于管理教会的长老，当以为配受加倍的敬奉；那劳苦传道教导人

naengl yuv il naih. <sup>18</sup>Yenv yuih Leec Menl wah: “Gueec senc nyaoh dav sagx nyeenx oux xic jah, bix aol konp daengs ebl maoh.” Eengv wah: “Nyenc ongl lis sinc ongl JANGS menv douh.” <sup>19</sup>Nyenc aov yangp laox jah, MEEC LIS yac samp mungx weex bagl biingv laengx bix sibs. <sup>20</sup>Menv nyenc WEENP soix jah, yuv deic maoh map nyaoh dav nas wagx jenl piidt guaiv, aol nyenc MIH buh wox yaot.

<sup>21</sup>Yaoc nyaoh dav nas Wangc Menl、Jih Duc Yeeh Suh daengh menv nyenc menl lis LAIH jah YADC xaop; yuv deic menv sungp naih, bix yuv saemp dadl donv, beenh siih buh bix LIS sais piinp. <sup>22</sup>Nyimp nyenc menc weex liix nyaenx miac, bix yuv jens jags; bix yuv nyaoh wul soix jenl LIS benh, yuv baos xut XENP BENS wop yebt. <sup>23</sup>Yenv yuih longc nyac MEEC lail, gungc daov douh ids, bix laot yah wumx naemx, qimp jeengx kuaot dos.

<sup>24</sup>LIS menv soix nyenc nuv lis ugs, xongs touk aox dangc dadl siih dah unv; LIS menv soix nyenc liaemt JANGS dah lenc enl bail. <sup>25</sup>Il naih, weex siih lail buh LIS menv nuv lis ugs; menv MEEC lail nuv ugs jah, buh yemv MEEC lis.

**6** Menv nyaoh dees egs weex lagx eit jah, yuv daengc sais juiv yuih xus yanc bens, xah yaot guanl daengh banc lix Wangc Menl douh nyenc xagx. <sup>2</sup>Lagx eit LIS xus yanc senk banc lix, bix yuv yenv yuih nyimp maoh JANGS jaix nongx laengx naengc MEEC qit maoh; naengl yuv songk legc bonc buih maoh, yenv yuih mungx lis benh lail bonc buih jah, JANGS senk

的,更当如此。<sup>18</sup>因为经上说:“牛在场上踹谷的时候,不可笼住它的嘴。”又说:“工人得工价是应当的。”<sup>19</sup>控告长老的呈子,非有两三个见证就不要收。<sup>20</sup>犯罪的人,当在众人面前责备他,叫其余的人也可以惧怕。

<sup>21</sup>我在神和基督耶稣,并蒙拣选的天使面前嘱咐你;要遵守这些话,不可存成见,行事也不可有偏心。<sup>22</sup>给人行按手的礼,不可急促;不要在别人的罪上有份,要保守自己清洁。<sup>23</sup>因你胃口不清,屡次患病,再不要照常喝水,可以稍微用点酒。

<sup>24</sup>有些人的罪是明显的,如同先到审判案前;有些人的罪是随后跟了去的。<sup>25</sup>这样,善行也有明显的;那不明显的,也不能隐藏。

**6** 凡在轭下作仆人的,当以自己主人配受十分的恭敬,免得神的名和道理,被人亵渎。<sup>2</sup>仆人有信道的主人,不可因为与他是弟兄就轻看他;更要加意服侍他,因为得服侍之益处的,是信道蒙爱的。

banc lix lis liangp jah.

### Banc Lix Dingv Daengh Nyaenc Sinc Xingv

Nyac yuv baengh menv naih eeus nyenc、  
qeenk nyenc. <sup>3</sup>Nuv baov LIS nyenc xonc jaol  
yeep, MEEC senk sungp XINGV Xus Yeeh Suh Jih  
Duc daol, MEEC sibs menv sungp eeus douh  
banc lix juiv yuih Wangc Menl jah, <sup>4</sup>maoh JANGS  
mags gaos mags kap, MEEC wox duc mangc, laot  
xogp hamk nanc, DAENGL bogs sungp dungl, dah  
naih laengx beeuu ugs yak dal、DAENGL ngeeuX、  
sungp xagx、lonh donv <sup>5</sup>daengh bogs sungp  
menv nyenc sais longc MEEC XINGV、baenv wangk  
liix XINGV jah. JAH MAOH deic juiv yuih Wangc  
Menl map dangl weex jiv jods lis benh lail. <sup>6</sup>Aox  
longc juiv yuih Wangc Menl nyimp biingx sais  
laengx JANGS lis benh lail laox yangx; <sup>7</sup>yenv yuih  
daol MEEC deic duc mangc touk menl guangl  
map, buh daiv MEEC lis duc mangc bail, <sup>8</sup>laot yuv  
LIS daens LIS jil, laengx yuv biingx sais. <sup>9</sup>Menv  
nyenc xangk wedt seic jah, laengx douh week  
dal, dogl laos yeep laox daengh OIL sais xangk  
ees liaengv lis haik jah, aol nyenc yaeml laos aox  
menv pak daengh GAEMV jah. <sup>10</sup>Taemp nyaenc  
sinc JANGS sangp weenh soix; LIS nyenc taemp  
nyaenc sinc, laengx douh loux baenv douv banc  
lix XINGV, aol OIL souc lonh deic XENP BENS mungv  
tongh.

### Heeup Lis Jangv Lail

<sup>11</sup>Nyac JANGS mungx nyenc nyimp Wangc  
Menl jah, yuv laengh todt menv siih naih, qouc  
douh liix、juiv yuih Wangc Menl、senk sais、  
sais liangp、sais yaens、sais mas. <sup>12</sup>Nyac yuv

### 假道理和真财富

你要以此教训人、劝勉人。<sup>3</sup>若有人传异教，不服从我们主耶稣基督纯正的话与那合乎敬虔的道理，<sup>4</sup>他是自高自大，一无所知，专好问难，争辩言词；从此就生出嫉妒、纷争、毁谤、妄疑，<sup>5</sup>并那坏了心术、丧失真理之人的争竞。他们以敬虔为得利的门路。<sup>6</sup>然而，敬虔加上知足的心便是大利了；<sup>7</sup>因为我们没有带什么到世上来，也不能带什么去，<sup>8</sup>只要有衣有食，就当知足。<sup>9</sup>但那些想要发财的人，就陷在迷惑、落在网罗和许多无知有害的私欲里，叫人沉在败坏和灭亡中。<sup>10</sup>贪财是万恶之根，有人贪恋钱财，就被引诱离了真道，用许多愁苦把自己刺透了。

### 美好的仗

<sup>11</sup>但你这属神的人，要逃避这些事，追求公义、敬虔、信心、爱心、忍耐、温柔。<sup>12</sup>你要为真道打那美好

nyimp menv banc lix XINGV jah heeup wenp jangv lail, deic jaens jiuc soh bens nyaoh. Nyac yenv yuih menv naih lis LAIH, buh nyaoh dav nas OIL nyenc weex bagl biingv jah weex bagl biingv lail nyaengc. <sup>13</sup>Yaoc nyaoh dav nas Wangc Menl aol weenh xonh lis mingh jah, eengv nyaoh dav nas Jih Duc Yeeh Suh YADC nyac (maoh nyimp Benx Diah • Biix Lah Doh weex bagl biingv lail dah): <sup>14</sup>Yuv deic sungp paik naih, jeengx bix eeul wav, MEEC LIS duc mangc douh guaiv, aol weex touk Xus Yeeh Suh Jih Duc daol xeenk ugs map. <sup>15</sup>Nyanl maenl touk yangx, Mungx douh bus, Wangc weenh wangc, Xus weenh xus, dogc LIS maoh nyaeml env, <sup>16</sup>dogc LIS maoh JANGS Mungx bens MEEC deil, nyaoh aox guangl nyenc jaenx MEEC lis jah, JANGS nyenc mix lis nuv dah, buh JANGS nuv MEEC lis jah, yuv deic Yeeh Suh Jih Duc xeenk ugs map. Dogc liangp qaenp juiv daengh biingv env jaengl yais jah ledp wunx dos maoh. Ah Menx.

<sup>17</sup>Nyac yuv YADC menv nyenc saemh naih LIS nal jah, bix yuv weex mags, buh bix yuv baengh menv nyaenc sinc MEEC jingh jah; laot yuv baengh mungx Wangc Menl saip weenh xonh dos daol jil yongh jah. <sup>18</sup>Eengv yuv YADC JAH MAOH weex siih lail, nyaoh wul siih lail lis digs miebs, kuanp sais pieek, haengt saip dos nyenc, <sup>19</sup>nyimp XENP BENS juml wenp dens sangp lail, beenh buh mus lenc, aol JAH MAOH deic jaens meix mingh XINGV.

<sup>20</sup>Tiic Moh Taip ax, nyac yuv baos xut menv nyaengx dos nyac jah, yuv laengh menv sungp ongk dees dih daengh menv sungp DINGV sint weex longc leec jah. <sup>21</sup>Lis nyenc ags wah wox

的仗，持定永生。你为此被召，也在许多见证人面前，已经作了那美好的见证。

<sup>13</sup>我在叫万物生活的神面前，并在向本丢·彼拉多作过那美好见证的基督耶稣面前嘱咐你：<sup>14</sup>要守这命令，毫不玷污，无可指责，直到我们的主耶稣基督显现。<sup>15</sup>到了日期，那可称颂、独有权能的万王之王、万主之主，<sup>16</sup>就是那独一不死、住在人不能靠近的光里，是人未曾看见，也是不能看见的，要将他显明出来。但愿尊贵和永远的权能都归给他。阿们。

<sup>17</sup>你要嘱咐那些今世富足的人，不要自高，也不要倚靠无定的钱财；只要倚靠那厚赐百物给我们享受的神。<sup>18</sup>又要嘱咐他们行善，在好事上富足，甘心施舍，乐意供给人（“供给”或作“体贴”），<sup>19</sup>为自己积成美好的根基，预备将来，叫他们持定那真正的生命。

<sup>20</sup>提摩太啊，你要保守所托付你的，躲避世俗的虚谈和那敌真道、似是而非的学问。<sup>21</sup>已经有人自称

menv longc leec naih, laengx baenv douv banc 有这学问，就偏离了真道。  
lix XINGV yangx.

Dogc liangp singc qaenp bens nyimp xaop 愿恩惠常与你们同在。  
gaenx nyaoh.